

Evening Dogri (NSD) Bulletin 17-10-2024

1. प्रधानमंत्री नरेंद्र मोदी होंरें जोर देइए आखेआ ऐ जे भाषा, साहित्य, कला ते आध्यात्मिकता जनेए सांस्कृतिक थम्म कुसै बी मुल्ख दी पंछान बनांदे न।
2. भारत नै कनाडाई सरकार दे आरोपें दा खंडन कीता ते प्रत्यर्पण दे बकाया मामलें पर कार्रवाई दी मंग कीती।
3. राष्ट्रपति द्रौपदी मुर्म होंरें आखेआ जे भारत ते मालवी बश्कार खरे ते दोस्ताना दपक्खी सरबंध न।
4. भातीय जनता पार्टी दे नेता नायब सिंह होंरें हरियाणा दे मुखमंत्री दे तौर पर दुई बारी सगंध लैती। इस सरबंधै च पंचकुला दे शालीमार मैदान च समारोह होआ।
5. सूचना ते प्रसारण राज्यमंत्री डॉ. एल. मुरुगन होंरें आखेआ जे लोकें तगर सेई ते म्यारी जानकारी उपलब्ध करोआना प्रसारकें दी बड्डी जिम्मेदारी ऐ।

<><><><><><>

PM-Abhidhamma

प्रधानमंत्री नरेंद्र मोदी होंरें जोर देइए आखेआ ऐ जे भाषा, साहित्य, कला ते आध्यात्मिकता जनेए सांस्कृतिक थम्म कुसै बी देश दी पंछान बनांदे न। उनें आखेआ जे अज्ज जिसलै तरक्की बाद्दे दी बतै पर तेजिया कन्ने अगड़े बधै करदा ऐ तां ओहिदियां जड़ां आत्मसम्मान, आत्मविश्वास ते स्वाभिमान कन्ने बड़ी गैहराई तगर जुड़ी दियां न। अज्ज नर्मी दिल्ली च अंतरराष्ट्रीय अभिधम्म दिवस

दे सिलसिले च आयोजित इक कार्यक्रम गी संबोधित करदे होई प्रधानमंत्री होरें भगवान बुद्ध हुंदी सिक्खयाएं दा जिक्र कीता जे समस्याएं दे हल, जंगें-लड़ाइं च तुप्पने दे बजाए महात्मा बुद्ध हुदिएं सिक्खयाएं च ढूढने गी रमानदारी दी बतै पर टुरने लेई प्रेरित करदियां न। उनें आखेआ जे भारत एल्लै अमृतकाल चा गुजरा करदा ऐ ते बड्डे बदलाव आली एह यात्रा 2047 च सम्पन्न होग, जदूं तगर भारत इक विकसित राष्ट्र बनी जाग। प्रधानमंत्री होरें नौजवानें अग्गे अपील कीती जे ओह विज्ञान ते टेक्नोलॉजी दे क्षेत्र च अगड़े बधदे होई अपनी संस्कृति ते मुल्यें-कदरें पर मान करन। पाली भाषा गी शास्त्रीय भाषा दा दर्जा देने दे सरकार दे फैसले पर मोदी होरें आखेआ जे भाषां शड़ियां गल्लबात दा गै जरिया नेई न, सगुआं कुसै बी मुख दी सभ्यता ते संस्कृति दी आत्मा बी न।

<><><><><><>

MEA Briefing

भारत नै इक बारी पीह दौहराया ऐ जे कनाडा नै भारत ते भारतीय राजनयिकें खिलाफ लाए गेदे आरोपें दे समर्थन च कोई भी सबूत पेश नेई कीते न। विदेश मंत्रालय दे प्रवक्ता रणधीर जयसवाल होरें विदेशी दखल सरबन्धी आयोग दे सामने दिते गेदे कनाडा दे प्रधानमंत्री जस्टिन टूडो हुन्दे बयान पर अपनी प्रतिक्रिया च आक्खेआ ऐ जे कनाडाई प्रधानमंत्री हुन्दा बयान इस गल्ला दी पुष्टि करदा ऐ जे भारत हमेशा सोयां आक्खदा आवा रदा ऐ ओह सेई ऐ। प्रवक्ता नै आक्खेआ जे प्रधानमंत्री टूडो हुन्दे शिष्टाचार रहत बरताव कन्नै भारत-कनाडा संबंधें गी जेडा नुकसान पुज्जा ऐ ओदे आस्तै छडे टूडो होर गै जिम्मेदार न। जेसवाल होरें आक्खेआ जे 26 प्रत्यर्पण सरबन्धी मामले अजें बी

कनाडा आली भेठा बकाया न। इन्दे च आतंकवाद दे आरोपी गुरजीत सिंह, गुरप्रित सिंह, अर्शदीप सिंग गिल ते लखबिन्द्र सिंह दे ना शामिल न। उनें आक्खेआ जे कनाडा दी सरकार कन्नै गेग मिम्बरें जेदे बिशनोई गैंग दे मिम्बर बी शामिल न बारे जानकारी सांझी कीती गई ऐ पर अजें तगर कोई बी कारवाई नई होई।

<><><><><><>

Gadkari Niti Ayog

सरकार मलेशिया सोयां लैती गेदी अल्ट्रा एन्फो र्समेंट कंक्रीट तकनीक राएं पुल ते मेट्रो निर्माण दी लागत गी 25 फीसद तगर घट्ट करने दी कोशिश च लगगी दी ऐ। शिडक यातायात ते राष्ट्रीय जरनेली शिडकें सरबन्धी केन्द्रीय मंत्री नितिन गडकरी होरें नमी दिल्लीस च नीति आयोग आस्सेआ अयोजित अंतरराष्ट्री य मेथनॉल सम्मेलन दे उद्घाटन दौरान एह गल्ल आक्खी। गडकरी होरें आक्खेआ जे बायोडीजल ते वैकल्पिक ईंधन दे निर्यात दियां बडियां मतियां संभावना मौजूद न। उने आक्खेआ जे 22 लकख करोड़ रूपे दी लागत ते लगभग सब्बै विश्व स्तइरीय गड्डीएं दी उपलब्धता कन्नै भारत ऑटोमोबाइल दे क्षेत्र च दुनिया च त्री थाहर पर ऐ। मंत्री होरें आक्खेआ जे उद्योग देशै च लगभग इक करोड़ 50 लकख नोजेआनें गी रोजगार उपलब्धा करौआन्दा ऐ। दो दिन दे अंतर्राष्ट्रीय मेथनॉल सेमिनार ते एक्सपो-2024 दौरान दुनिया च मेथनॉल उत्पादन ते तकनीकी विकास कन्नै सरबन्धित परियोजनाएं, उत्पादें ते अनुसंधान ते विकास दी पैहलें दी प्रगति बारे च चर्चा कीती जाग। सेमिनार दा मुख

मकसद दुनियां भरै च ऊर्जा क्षेत्र च मेथनॉल दी भूमिका ते हरित शिपिंग च घट्ट कार्बन ईंधन दे तौर पर मेथनॉल दे बारे च जानकारी देना ऐ।

<><><><><><>

Mandavyia Sports

केंद्रीय खेडमंत्री डॉ. मनसुख मांडविया होरें आक्खेआ ऐ जे राष्ट्रीय खेड प्रशासन विधेयक 2024 दा मसौदा, देश च मजबूत ते पारदर्शी खेड प्रशासन संरचना कायम करने दी दिशा च इक परिवर्तनकारी गें ऐ। इस मसौदा विधेयक पर विचार-विमर्श आस्तै अज्ज नमी दिल्ली च लग्गी दी बैठक दी अध्यक्षता करदे होई उने इस गल्ला पर लौह पाई जे इसदा मकसद एथलीट-केंद्रित संघें गी सशक्त बनाना, सुरक्षित खेड नीति पेश करना ऐ। बैठक च भारतीय ओलंपिक संघ, राष्ट्रीय खेड महासंघें ते राष्ट्रीय खेड संवर्धन संगठनें दे प्रतिनिधियें हिस्सा लैता। बैठक दा मकसद भारतीय खेडें दे हिते च कानून बनाने आस्तै बक्ख बक्ख सरबन्धी धडें कन्ने गल्लबात, सुझाव ते प्रतिक्रिया किट्ठी करना हा। डॉ. मांडविया होरें आक्खेआ जे सरकार इक मजबूत ढांचा तैयार करा र दी ऐ जेडा ना छडा खडारिएं गी अग्गे बदाग सगुआं वैश्विक खेड मंच पर मुल्ख दी स्थिति गी बी मजबूत करौग।

<><><><><><>

President-Malawi

राष्ट्रपति द्रौपदी मुर्म होरें आक्खेआ ऐ जे भारत ते मलावी बश्कार खरे ते दोस्ताना दपक्खी सरबन्ध न। मालवी च भारत-मलावी बपार सम्मेलन च

राष्ट्रपति होरें आखेआ जे भारत 1964 च मलावी दी स्वतंत्रता मगरा औदे कन्ने राजनयिक सरबंध कायम करने आले पैहले मुखें चा इक हा। राष्ट्रपति होरें आखेआ जे दवें मुख केई क्षेत्रें च सरबंध कायम करने आस्तै किठे आई सकदे न।

<><><><><><>

President Visit

राष्ट्रपति द्रौपदी मुर्मू होर त्रै अफ्रीकी मुखें दी यात्रा दे त्रीए ते अखीरी चरणें च अज्ज मलावी पुज्जियां। मलावी दा दौरा करने आलियां ओह पैहली भारती राष्ट्रपति न। उत्थे पुज्जने पर राष्ट्रपति हुंदा निग्गा सुआगत कीता गेआ। ओह त्रै दिनें तोड़ी मलावी च रौहंगन जिस दौरान उंदा दपक्खी ते शिष्टमंडल सतह दिएं बैठकें च शिरकत करने दा कार्यक्रम ऐ। एहदे इलावा उत्थे रवा करदे भारती मूल दे लोकें कन्ने बी मिलंगन। ओह मलावी गणराज्य दे राष्ट्रपति लाजारस चकवेरा हुंदे कन्ने मलाटी करंगन। कल गै ओह किश शिष्टमंडल सतह दिएं बैठकें च बी हिस्सा लैडन। एहदे अलावा ओह उत्थूं दे राष्ट्रीय युद्ध स्मारक, अजैब घर, श्री राधा कृष्ण मंदर ते मलावी झील दिक्खने लेई बी जाडन। 19 तरीक तगर दे उंदे इस दौरें दा मकसद दौनें मुखें बशकार सरबंधें च मजबूत आहनना ऐ।

<><><><><><>

Haryana CM oath

भारतीय जनता पार्टी दे नेता नायब सिंह होरें अज्ज पंचकुला दे शालीमार गाउंड च दूई बारी हरियाणा दे मुख मंत्री दे तौर पर सगंध लैती। हरियाणा दे

राज्यपाल होरें उनें गी औहदे ते राजदारी दी सगंध दोआई। इश मौके पर प्रधानमंत्री नरेन्द्र मोदी होर बी मौजूद हे। नायब सिंह हुन्दे कन्ने 13 विधायकें भी कैबिनेट मंत्री ते राज्य मंत्री दे तौर पर सगंध लैती। जिने विधायकें गी कैबिनेट मंत्री दे तौर पर सगंध दोआई गई उन्दे च- अंबाला छावनी सोयां 7 बारी दे विधायक अनिल विज, इसराना दे विधायक ते राज्यसभा दे साबका सदस्य कृष्ण लाल पवार, बादशाहपुर दे विधायक राव नरबीर सिंह, पानीपत ग्रामीण दे विधायक महिपाल ढांडा, फरीदाबाद दे विधायक विपुल गोयल, गोहाना दे विधायक डॉ. अरविंद कुमार शर्मा ते रडौर दे विधायक श्याम सिंह राणा। राज्यमंत्री दे तौर पर सगंध लैने आले विधायक हे- विधानसभा दे साबका उपाध्यक्ष रणबीर गंगवा, कृष्ण कुमार बेदी, श्रुति चौधरी, कुमाई आरती सिंह राव, राजेश नागर ते गौरव गौतम। शपथ ग्रहण समारोह च प्रधानमंत्री हुन्दे अलावा केन्द्रीय मंत्री राजनाथ सिंह, अमित शाह, नितिन गडकरी, मनोहर लाल, लल्लन सिंह, असम दे मुख्यमंत्री हिमंत बिस्व सरमा, गुजरात दे मुख्यमंत्री भूपेन्द्र पटेल, महाराष्ट्र दे मुख्यमंत्री एकनाथ शिंदे, उत्तर प्रदेश दे मुख्यमंत्री योगी आदित्यनाथ, भाजपा नेता देवेन्द्र फडणवीस, राम मोहन यादव ते भाजपा ते एनडीए दे होर दुए नेता इस मौके मौजूद हे।

<><><><><><>

PM-Congratulate Saini

प्रधानमंत्री नरेन्द्र मोदी होरें हरियाणा दे मुख्मन्त्री दे तौर पर सगंधदा लैने आस्टें नायब सिंह सैनी होरें गी मुबारकबाद दिती ऐ। सोशल मीडिया पोस्ट च प्रधानमंत्री होरें आखेआ जे खरे प्रशासन ते अनुभव दा संगम ऐ जेड़ा हरियाणा

गी नमिं बुलंदिं तगर लेइए जाग। मोदी होरें विश्वास जाहिर कीता जे डबल इंजन आली सरकार गरीब, करसानें, सैनिकें, नौजोआनें ते महिलाएं गी सशक्त करने च कोई कसर बाकी नेई रक्खोग।

<><><><><><>

Omar-Cabinet Meet

जम्मू-कश्मीर केंद्र शासित प्रदेश दे पैहले-पैहले मुखमंत्रि दे तौरा पर संगंध चुक्कने दे दऊं दिनें मगरा उमर अब्दुल्ला होरें अज्ज अपने मंत्रिमंडल दी पैहली-पैहली बैठक दी अध्यक्षता कीती। बैठका च मुख सचिव अटल डुल्लू ते होर सीनियर अफसर बी मजूद हे। बैठका च प्रमुख प्रशासनिक मुद्दें पर गल्लबात कीती गई ते सरकार दिं सब्बनें शा पैहलिं तरजीहें पर प्रमुखता कन्ने सलाह सूत्र कीता। नमें बने दे मंत्रिमंडल नै सरकार गी दरपेश चुनौतिं, प्रक्रियां गी तरतीब देने, लोकें दिं दिक्कतें-शकैतें गी दूर करने ते नौकरशाही च पूरी चाल्ली पारदर्शिता यकीनी बनाने दे बारै च बी तफसीली सलाह-सूत्र कीता गोआ। मंत्रिमंडल दी टीम नै जारी विकास परियोजनाएं दी रफतार ते प्रगति दा बी जायजा लैता। बैठका च आखेआ गोआ जे सरकार दिं प्राथमिकताएं च ढांचागत विकास, सेहत दिक्ख-भाल, शिक्षा, कम्म-रोजगार दे मौके पैदा करना ऐ। मुखमंत्रि होरें कल बक्ख-बक्ख मैहकमें दे सचिवें ते होरनें अधिकारिं कन्ने सिविल सचिवालय च बैठक लाई ही।

<><><><><><>

IMC-Ministry-Pavillion

सरकार नै इंडिया मोबाइल कांग्रेस 2024 च डिजिटल इंडिया सरबंधी नमिये काहडें दे क्षेत्र च इक मंडप दी स्थापना कीती ऐ। प्रधानमंत्री नरेंद्र मोदी होरें 15 अक्टूबर गी भारत मंडपम च इंडिया मोबाइल कांग्रेस दे 8में संस्करण दा उद्घाटन कीता हा। इलेक्ट्रानिक्स एंड इंफारमेशन टेक्नोलाजी मंत्रालय नै दस्सेया जे इस मंडप दा मकसद डिजिलॉकर, उमंग, आधार, यूपीआई, ई-संजीवनी ते डिजिटल इंडिया जनेई बक्ख-बक्ख डिजिटल जन सरबंधी बुनियादी ढांचे पर प्रतिनिधिये गी आमने सामने अनुभव प्रदान करना ऐ।

<><><><><><>

Murugan-IMC

केंद्री सूचना ते प्रसारण राज्यमंत्री डॉ. एल. मुरुगन होरें आखेआ ऐ जे लोकें तगर सेही सूचना ते गुणवत्तापूर्ण सामग्री दा प्रसारण करना प्रसारकें दी इक बड्डी जिम्मेदारी ऐ। डॉ. मुरुगन होरें अज्ज नमीं दिल्ली च इंडिया मोबाइल कांग्रेस च प्रसारण क्षेत्र च उभरदे साधनें ते टेक्नालजिएं पर आयोजित इक सिम्पोजियम गी संबोधित कीता। उनें भविक्ख लेई नमीं टेक्नालजिएं गी अपनाने दे महत्व ते प्रसारण दी बदलाव आहली शक्ति दा जिक्र कीता। मुरुगन होरें आखेआ जे केंद्रीय मंत्रीमंडल च हाल च गै 234 शैहरें च 730 नमें निजी रेडियो चैनल स्थापित करने दी मंजूरी दिती। डॉ. मुरुगन होरें सब्बे लेई उच्च गुणवत्ता दी मीडिया सामग्री दी पुज्ज यकीनी करने ते आर्थिक विकास च प्रसारण क्षेत्र दी भूमिका गी सशक्त बनाने लेई उन्नत टेक्नोलॉजी दे प्रयोग दी सरकार दी बचनबद्धता दी पुष्टि कीती।

<><><><><><>

PM-Dance Festival

प्रधानमंत्री नरेंद्र मोदी होरें आखेआ ऐ जे संगीत ते भाषा जेड़ियां देशें दिएं सीमाएं कोला पार पुजदियां न, ओह दुनिया भरै च समझियां जंदियां न। नमीं दिल्ली च चलै करदे भारतीय नृत्यें बारै पैहले-पैहले अंतरराष्ट्रीय उत्सव लेई जारी अपने स्नेह च आखेआ जे नमीं पीढ़ी लेई नाच बड़ा महत्वपूर्ण ऐ कीजे एह भारत दी सांस्कृतिक पंछान दा अनत्रुट हिस्सा ऐंउनें आखेआ जे इस चाल्ली दे उत्सव स्हाड़ी नौजवान पीढ़ी ते पूरी दुनिया गी बी भारत दिएं सांस्कृतिक ते कलात्मक परम्पराएं कन्ने जोड़दे न।

<><><><><><>

Jitendra Pavana Chitra

केंद्रीय मंत्री जितेंद्र सिंह होरें केरल दे तिरुव-नंत-पुरम अंतर्राष्ट्रीय हवाई अड्डे पर मुल्खै दे पैहले पैहले स्व-संचालित इनडोर वायु गुणवत्ता मॉनिटर, पवना चित्रा दी शुरुआत कीती। सी.एस.आई.आर-एन.आई.आई.एस.टी आस्सेआ विकसित पवना चित्रा प्रौद्योगिकी, रिवायत ते कला दा इक शक्तिशाली मिश्रण ऐ। एह स्वदेशी इनडोर सौर कोशिकाएं आस्सेआ संचालित इक ऑफ-ग्रिड, स्व-संचालित इनडोर वायु गुणवत्ता मॉनिटर ऐ। इसी मुकामी सामग्रियें कन्नै तैयार कीता गेआ ऐ।

<><><><><><>

Kanda Express Train

सरकार नै अज्ज देयाली थवा पैहले डंगे दी मंग गी पूरा करने आस्तै नाशिक सोयां दिल्ली तक कांदा एक्सप्रेस ट्रेन दी शुरुआत कीती ऐ। उपभोक्ता मामले दी

सचिव निधि खरे होरें दस्सेआ ऐ जे एह खास रेल इक हजार 6 सौ मीट्रिक टन डंगें लेईए 20 अक्टूबर गी राष्ट्रीय राजधानी दिल्ली आँग। इनें गंडे दे आँने पर इन्दी बंड दिल्ली एनसीआर दी थोक मंडियें च कीता जाग। सचिव होरें दस्सेआ जे तौले ते गंडा एक्सप्रेस ट्रेनें लखनऊ, वाराणसी ते पूर्वोत्तर बक्ख बक्ख हिस्सें सोयां चलाई जाग। सरकार गंडे दे खुदरा वितरण आस्तै खुदरा व्यापारियें ते ई-कॉमर्स मंचें कन्ने गल्ल करा'रदी ऐ। इक हजार बाद्दू मोबाइल गड्डियां बी खुदरा बाजारें च सब्सिडी आली गंडे आस्तै चलाईयां जाडन। आकाशवाणी कन्ने खास तौर पर गल्ल करदे होई भारतीय राष्ट्रीय सहकारी उपभोक्ता संघ-एनसीसीएफ दी प्रबंध निदेशक ऐनी जोसेफ चन्द्र होरें दस्सेआ जे लोडचदी मात्रा च आँने आहले गंडे राष्ट्रीय राजधानी दी गंडे दी रोज मर्रा दी जरूरतें दा 50 फीसद हिस्से गी पूरा करी सकदी ऐ।

<><><><><><>

Railway Reservation

सरकार नै रेल गड्डिएं च एडवांस रिजर्वेशन दी मजूदा समें-सीमा गी 120 दिनें कोला घटाइये 60 दिन करने दा फैसला कीता ऐ। रेल मंत्रालय नै जारी अपने नमें नियम च आखेआ ऐ जे नमीं बवस्था अगले म्हीने दी पैहली तरीक कोला लागू होग ते इस म्हीने दी 31 तरीक तोड़ी कीती गेदियां सारियां बुकिंगां बरकरार रौहडन। मंत्रालय नै अगगे आखेआ जे विदेशी सैलानिएं लेई 365 दिनें दी हद च कोई बदलाव नेई कीता गया ऐ।

<><><><><><>

Search-Operation

नियंत्रण रेखा कन्ने लगदे राजौरी ते पुंछ जिले च सुरक्षा बलें बक्ख-बक्ख इलाकें च बड्डे पैमाने पर तुपाई अभियान शुरू कीते देन। अधिकारिणं आस्सेआ दिती गेदी जानकारी मुजब जिले दे गुरसाई टॉप इलाके च मूरी शास्तार इलाके च किश आतंकवादिणं दी मजूदगी बारै इक टकोहदी सूह थहोने पर इलाके गी घेरिए तुपाई अभियान शुरू कीता। सुरक्षा बलें आस्सेआ ललकारे जाने दे बाद किश चिरै लेई दबक्खिय गोलीबारी बी होई। आतंकवादिणं फगड़ने लेई अभियान तेज करी दिता ते जंगलै अंदर उठी गेदे आतंकवादिणं दा पता लाने लेई खोजी कुत्तें, ड्रोन ते हेलीकाप्टर बी इलाके गी खंगाला करदे न। कन्ने लगदे राजौरी जिले च बी कुंदर ते कन्ने लगदे शहादरा शरीफ इलाके च व्यापक तुपाई अभियान शुरू कीते दा ऐ। उत्थे अज्ज बड्डलै त्रुं आतंकवादिणं दे मजूद होने दी खबर थहोई ही। फिलहाल अजें तोड़ी उंदे नै कोई आमना-सामना नेई होआ ऐ।

<><><><><><>